

BOSNA I HERCEGOVINA
TUŽITELJSTVO – TUŽILAŠTVO
BOSNE I HERCEGOVINE
SARAJEVO
Broj: T20 0 KTRZ 0000077 08
Sarajevo, 10.06. 2010. godine

SUDU
BOSNE I HERCEGOVINE
- Sudiji za prethodno saslušanje -

*Na osnovu člana 35. stav 2. tačka i) i člana 226. stav 1. Zakona o
krivičnom postupku BiH, podižem*

OPTUŽNICU

PROTIV:

MARKOVIĆ MIODRAGA, [REDAKCIJA], rođen 26.03.
1966. godine u Stanarima, općina Doboj, [REDAKCIJA]
[REDAKCIJA] državljanin BiH, [REDAKCIJA]
[REDAKCIJA] nalazi
se na slobodi, brani ga advokat [REDAKCIJA], po službenoj
dužnosti;

Što je:

*Za vrijeme rata u Bosni i Hercegovini, na području općine Doboj, kao
pripadnik oružanih snaga Vojske Republike Srpske, postupao suprotno
pravilima međunarodnog prava, kršeći odredbe čl. 3. stav 1. tačke a. i c.
Ženevske konvencije o zaštiti građanskih lica za vrijeme rata od 12. avgusta
1949. g., tako što je:*

tačno neutvrđenog datuma u julu 1992.g. u noćnim satima, uniformiran i naoružan, došao na vrata porodične kuće [REDACTED], u mjestu Dragalovci, općina Doboj, te snažno lupao na vrata tražeći od ukućana da mu otvore i prijeteći da će ih u suprotnom sve pobiti, pri čemu je galamio i psovao im „majku ustašku“, a potom u zrak ispalio jedan metak iz vatrenog oružja, nakon čega je [REDACTED] otvorila vrata, pa je tada od iste zahtijevao da mu preda [REDACTED] uperio pištolj u glavu [REDACTED] prijeteći i dalje da će ih sve pobiti, nakon čega je [REDACTED] plačući izašla ispred kuće, pa je osumnjičeni povukao za ruku prema susjednoj livadi, a kada je [REDACTED] bježi iz kuće, udario je snažno drškom pištolja u predjelu vrata, te je odvuкао do jednog plasta sijena, gdje je sa nje počupao odjeću i skinuo je potpuno голу, pa se potom i sam skinuo, nakon čega ju je silovao [REDACTED]

Čime je počinio krivično djelo Ratni zločin protiv civilnog stanovništva iz člana 173. stav 1. tačka e) Krivičnog zakona BiH u vezi sa članom 180. stav 1. KZ BiH.

Radi toga stavljam

PRIJEDLOG
za izvođenje dokaza

I Da se saslušaju svjedoci:

[REDACTED]

II Da se saslušaju vještaci:

1. Doc.dr. [REDACTED], neuropsihijatar,
2. Mr.sc. [REDACTED], psiholog

III Da se izvrši uvid u:

1. Odluku o proglašenju neposredne ratne opasnosti Predsjedništva R BiH od 8.aprila 1992.g. (Službeni list R BiH broj 1/92)
2. Odluku o proglašenju ratnog stanja Predsjedništva R BiH od 20. juna 1992.g. (Službeni list R BiH broj 7/92)
3. Odluku Predsjedništva Republike Bosne i Hercegovine o ukidanju ratnog stanja od 28. decembra 1995.g., stupila na snagu 22.decembra 1995.g. (Službeni list R BiH broj 50/95),
4. Dopis Odjeljenja za boračko invalidsku zaštitu Opštine Doboj broj 08-835-1-80/2007 od 25. januara 2008. godine,
5. Ovjerena kopija Izvoda iz knjige Vob -8, VP 7218 Doboj, na ime Marković Miodrag, sa popratnim aktom Ministarstva rada i boračko invalidske zaštite Republike Srpske od 28.05.2010.g.
6. Ovjerena kopija jediničnog kartona na ime osumnjičenog Marković Miodraga,
7. Ovjerena kopija matičnog kartona na ime osumnjičenog Marković Miodraga,
8. Ovjerena kopija Potvrde o učešću u ratu, izdata od VP 7218 Doboj od 14.06.1996.g.
9. Izvod iz dnevnika događaja Stanice policije Stanari za 12.07.1992. godine, sa popratnim aktom MUP-a RS broj 02/4-13391/07 od 13.12.2007.g.
10. Dopis Okružnog tužilaštva u Doboju broj A-416/07 od 12.11.2007. godine,

11. Nalaz vještačenja po Timu vještaka neuropsihijatra/psihologa za oštećenu Z-1 od 27.04.2010.g.

12. Izvod iz kaznene evidencije CJB Doboj broj 09-02/6-234.3-457/10 od 21.05.2010., na ime Marković Miodrag.

REZULTAT ISTRAGE

Rezultat istrage koju je provelo ovo Tužiteljstvo na nedvojben način potvrđuje osnovanost ove optužnice, odnosno, prikupljeno je dovoljno dokaza za osnovanu sumnju da je osumnjičeni Marković Miodrag počinio krivično djelo Ratni zločin protiv civilnog stanovništva iz člana 172. stav 1. tačka e) Krivičnog zakona BiH u vezi sa članom 180. stav 1.KZ BiH, u vrijeme, na način, u mjestu i pod okolnostima, kako je to opisano u dispozitivu optužnice.

Na osnovu svih prikupljenih dokaza, i to kako objektivnih, tako i iskaza saslušanih svjedoka, proizilazi slijedeće:

- da je osumnjičeni Marković Miodrag krivično djelo koje mu se ovom optužnicom stavlja na teret počinio za vrijeme rata u Bosni i Hercegovini,
- da krivično - pravne radnje za koje se tereti osumnjičeni predstavljaju teške povrede Ženevske konvencije o zaštiti građanskih lica za vrijeme rata od 12. avgusta 1949. godine,
- da je svjedokinja ■■■ u vrijeme izvršenja krivičnog djela koje je počinjeno na njenu štetu bila civil ■■■■■■■■■■, te da je shodno tome bila osoba zaštićena Ženevskom konvencijom o zaštiti građanskih lica za vrijeme rata od 12. avgusta 1949. godine,
- da je osumnjičeni Marković Miodrag krivično djelo koje mu se optužnicom stavlja na teret izvršio kao pripadnik Vojske Republike Srpske, odnosno kao pripadnik jedne strane u sukobu,
- da krivično - pravne radnje koje je osumnjičeni ■■■■■■■■■■ počinio nisu bile opravdane nikakvom vojnom nuždom,

- *da postoji uzročna veza između rata i počinjenog krivičnog djela iz dispozitiva optužnice, jer je osumnjičeni, kao naoružani pripadnik jedne od strana u sukobu iskoristio svoj nadmoćan položaj u odnosu na oštećenu kao pripadnicu manjinskog naroda na tom području, koja je pri tome bila [REDACTED] potpuno nezaštićena, te bez ikakve mogućnosti za pružanje bilo kakvog otpora.*

Rat u Bosni i Hercegovini

Da je u inkriminiranom periodu postojala rat u BiH, a time i na području općine Doboj, nesporno proizilazi iz Odluka Predsjedništva R BiH.

Naime, Predsjedništvo R BiH je dana 08.04.1992.g. donijelo Odluku o proglašenju neposredne ratne opasnosti, a na sjednici održanoj dana 20.06.1992. godine, donijelo je i Odluku o proglašenju ratnog stanja.

Ratno stanje na teritoriji Bosne i Hercegovine je trajalo do 22. decembra 1995. godine, kada je Odlukom Predsjedništva BiH ukinuto.

Iz prikupljenih dokaza proizilazi da je osumnjičeni Marković Miodrag krivično djelo koje mu se stavlja na teret počinio u toku jula 1992.g., čime je nesporno da je krivično djelo počinjeno za vrijeme rata u Bosni i Hercegovini.

Svojstvo osumnjičenog

Iz iskaza svjedoka, a posebno iz prikupljenih materijalnih dokaza, proizilazi da je osumnjičeni Marković Miodrag u inkriminiranom periodu bio pripadnik oružanih snaga Vojske Republike Srpske, VP 7218 Doboj – I. Dobojska lpbr, i to u počev od 06.05.1992.g. pa do 12.12.1993.g., a potom u periodu od 28.11.1993. do 01.11.1995.g.

Slijedom toga, nesporno je da je osumnjičeni Marković Miodrag u vrijeme izvršenja krivičnog djela za koje se tereti, bio pripadnik jedne od strana u sukobu.

Mens rea

Na osnovu prikupljenih dokaza, nedvojbeno proizilazi da je osumnjičeni Marković Miodrag bio svjestan svog djela i htio njegovo izvršenje.

Prije svega, iz iskaza saslušanih svjedoka proizilazi da su svi vojno sposobni muškarci hrvatske nacionalnosti iz sela Dragalovci odvedeni i zatvoreni u logore početkom juna 1992.g. U selu su potpuno nezaštićeni ostali samo žene, djeca i starci. Ova činjenica nije mogla ostati nepoznata osumnjičenom, te je sasvim neupitna njegova svijest o tome da je sa namjerom izvršenja krivičnog djela došao u nebranjeno hrvatsko selo, odnosno u kuću u kojoj su boravili civili [REDACTED] bez ikakvog naoružanja, i bez ikakve mogućnosti za pružanje otpora.

Kao pripadnik vojne policije, bio je svjestan zabranjenosti svog djela, tj. nije mu moglo ostati nepoznato da je bilo kakvo zlostavljanje, odnosno prisiljavanje na spolni odnos u bilo kojim okolnostima zločin, a pogotovo u uvjetima ratnog stanja, kada to čini uz prijetnju oružjem i u situaciji u kojoj je nadmoćan u svakom pogledu, pa je ipak potpuno voljno i sa htijenjem počinio krivično djelo za koje ga tereti optužnica.

Svojstvo žrtve

Iz iskaza svjedoka se vidi da je oštećena svjedokinja osoba hrvatske nacionalnosti koja je za vrijeme rata u BiH živjela na području općine Doboje, [REDACTED]. Nakon što su iz sela u logore odvedeni svi vojno sposobni muškarci, [REDACTED]

Slijedom navedenog, nesporno proizilazi da je oštećena u inkriminiranom periodu bila osoba pod zaštitom Ženevske konvencije o zaštiti građanskih lica za vrijeme rata od 12. avgusta 1949. godine,

Radnja izvršenja krivičnog djela

Iz iskaza svjedoka koji su saslušani tokom istrage, jasno i nedvojbeno proizilazi da je osumnjičeni Marković Miodrag počinio konkretnu krivično pravnu radnju za koju ga tereti optužnica, tj. da je [REDACTED]

Prije svega, iz iskaza oštećene ■ jasno se vidi je osumnjičeni nad njom počinio krivičnopravnu radnju silovanja, tj. da je počinio seksualnu penetraciju primjenom sile i prijetnje, bez pristanka žrtve, bezobzirno koristeći svoj nadmoćni položaj u uvjetima ratnog stanja.

Njen iskaz je u cijelosti potvrđen iskazima ostalih svjedoka, koji suglasno opisuju ponašanje osumnjičenog u momentu dolaska pred kuću oštećene, način na koji ju je odveo iz kuće, u kakvom stanju se nalazila po povratku kući, kao i šta se dešavalo u narednim danima, odnosno, na koji način je osumnjičeni identifikovan.

Odbrana osumnjičenog

Osumnjičeni je prilikom ispitivanja u istrazi iskoristio svoje zakonsko pravo da se brani šutnjom.

Na osnovu svega izloženog, smatramo da postoji dovoljno razloga za osnovanu sumnju da je osumnjičeni Marković Miodrag počinio krivično djelo koje mu se optužnicom stavlja na teret, pa predlažemo da Sudija za prethodno saslušanje ovu optužnicu potvrdi.

MATERIJAL KOJI POTKREPLJUJE NAVODE OPTUŽNICE:

1. Zapisnik o ispitivanju osumnjičenog Marković Miodraga, Tužiteljstva BiH, broj T20 0 KTRZ 0000077 08 od 02.06.2010.g.,
2. Zapisnik o saslušanju svjedoka ■, Tužiteljstva BiH, broj KT-RZ 5/08 od 27.04.2010. godine,
3. Zapisnik o saslušanju svjedoka ■ Državne agencije za istrage i zaštitu, broj 17-04/2-04-2-815/07 od 14.08.2007. godine,
4. Zapisnik o saslušanju svjedoka ■, Državne agencije za istrage i zaštitu, broj 17-04/2-04-2-816/07 od 14.08.2007. godine,
5. Zapisnik o saslušanju svjedoka ■, Državne agencije za istrage i zaštitu, broj 17-04/2-3-04-2-184/10 od 11.03.2010. godine,

6. *Zapisnik o saslušanju svjedoka [REDACTED], Državne agencije za istrage i zaštitu broj 17-04/2-3-04-2-159/10 od 03.03.2010. godine,*
7. *Zapisnik o saslušanju svjedoka [REDACTED], Tužiteljstva BiH, broj T20 0 KTRZ 0000077 08 od 01.06.2010. godine,*
8. *Odluka o proglašenju neposredne ratne opasnosti Predsjedništva R BiH od 8.aprila 1992.g. (Službeni list R BiH broj 1/92)*
9. *Odluka o proglašenju ratnog stanja Predsjedništva R BiH od 20. juna 1992.g. (Službeni list R BiH broj 7/92)*
10. *Odluka Predsjedništva Republike Bosne i Hercegovine o ukidanju ratnog stanja od 28. decembra 1995.g., stupila na snagu 22.decembra 1995.g. (Službeni list R BiH broj 50/95),*
11. *Dopis Odjeljenja za boračko invalidsku zaštitu Opštine Doboj broj 08-835-1-80/2007 od 25. januara 2008. godine,*
12. *Ovjerena kopija Izvoda iz knjige Vob -8, VP 7218 Doboj, na ime Marković Miodrag, sa propratnim aktom Ministarstva rada i boračko invalidske zaštite Republike Srpske od 28.05.2010.g.*
13. *Ovjerena kopija jediničnog kartona na ime osumnjičenog Marković Miodraga,*
14. *Ovjerena kopija matičnog kartona na ime osumnjičenog Marković Miodraga,*
15. *Ovjerena kopija Potvrde o učešću u ratu, izdata od VP 7218 Doboj od 14.06.1996.g.*
16. *Izvod iz dnevnika događaja Stanice policije Stanari za 12.07.1992. godine, sa popratnim aktom MUP-a RS broj 02/4-13391/07 od 13.12.2007.g.*
17. *Dopis Okružnog tužilaštva u Doboju broj A-416/07 od 12.11.2007. godine,*

18. Nalaz vještačenja po Timu vještaka neuropsihijatra/psihologa za oštećenu ■ od 27.04.2010.g.
19. Izvod iz kaznene evidencije CJB Doboje broj 09-02/6-234.3-457/10 od 21.05.2010., na ime Marković Miodrag.

TUŽITELJICA
TUŽILAŠTVA/TUŽITELJSTVA BIH

Božidarka Dodik